

IZMJENE U TOKU IMPLEMENTACIJE PROJEKTA

Radi poboljšanja izgleda i funkcionalnosti aplikacije, dodani su novi *View*-ovi i *Controller*-i. Implementirana je Profil stranica, te početne stranice za uloge **Administrator**, **Vozač** i **Tehnička podrška** i stranica *PrikazSlobodnihVozaca*, koja ujedno omogućava naručivanje vožnje.

Radi uspješnog povezivanja sa vanjskim sistemom, u klasu *Korisnik* dodani su novi atributi *Latitude* i *Longitude*. Budući da se ovi atributi koriste isključivo za ulogu **Vozac**, dodani su kao nullable tipovi.

Klasa NotificationHub je dodana radi implementacije asinhronih operacija slanja notifikacija koristeći SignalR. Pored toga, dodana je DTO klasa RideRequestDTO koja služi za prijenos podataka prilikom kreiranja zahtjeva za vožnju, uključujući identifikatore vozača i putnika, početnu adresu te opcionalno odredišnu adresu.

Slanje notifikacija implementirano je kao asinhrona operacija. Pored toga, omogućeno je spremanje i čuvanje poruka upućenih tehničkoj podršci u bazu podataka, kako bi i putnik i tehnička podrška imali uvid u sve prethodno poslane poruke.